



Na osnovu člana 61. stav 2. Zakona o upravi („Službeni glasnik BiH“, broj 32/02), a u vezi sa članom 23. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06 i 88/07), ministar pravde Bosne i Hercegovine, d o n o s i

P R A V I L N I K
O IZMJENAMA I DOPUNAMA PRAVILNIKA ZA IZRADU GODIŠNJEG PROGRAMA RADA,
GODIŠNJIH PLANOVA RADA I MJESEČNIH IZVJEŠTAJA O RADU U MINISTARSTVU PRAVDE
BOSNE I HERCEGOVINE

Član 1.

(Obrazac i popuna obrazaca za godišnji program rada i godišnje planove rada)

U članu 2. stav 6. tačke 1., 2. i 6. Pravilnika za izradu godišnjeg programa rada, godišnjih planova rada i mjesečnih izvještaja o radu u Ministarstvu pravde BiH, broj: 01-02-3475/08 od 19.3.2008. godine, mijenjaju se i glase:

„1. Zakoni

U ovom dijelu navode se sve godišnje aktivnosti i vezani koraci koji se tiču izrade zakona i predlaganja preporuka iz oblasti zakonodavstva od strane Ministarstva, prema vlastitoj inicijativi ili zaključku Vijeća ministara BiH.

2. Podzakonski akti

U ovom dijelu navode se sve godišnje aktivnosti i vezani koraci koji se tiču donošenja propisa za provođenje zakona i drugih propisa, tj. izradu podzakonskih akata (pravilnika, uputstava, naredbi, instrukcija i sl.) od strane Ministarstva, prema vlastitoj inicijativi ili zaključku Vijeća ministara BiH.

6. Ostali poslovi, organizacioni razvoj, komunikacija i koordinacija

U ovom dijelu navode se sve aktivnosti i vezani koraci koji se tiču:

- izvršavanja zakona i drugih propisa njihovom neposrednom primjenom, rješavanjem upravnih stvari u upravnom postupku i obavljanjem drugih upravnih poslova iz okvira svoje nadležnosti;
- vršenja upravnog nadzora nad provođenjem zakona i drugih propisa, kroz nadzor nad zakonitošću akata kojima se rješava u upravnim stvarima, nadzor nad zakonitošću rada institucija s javnim ovlaštenjima, ako ih ima i inspekcijски nadzor;
- davanje odgovora na pitanja Parlamentarne skupštine BiH, Predsjedništva BiH i Vijeća ministara BiH u vezi sa izvršavanjem zakona i drugih propisa iz svoje nadležnosti, kao i o stanju i problemima u oblastima za koju su ti organi osnovani;
- obavljanje drugih upravnih i stručnih poslova određenih zakonom i drugim propisima, kao što su: praćenje stanje u oblastima za koje su osnovani, a naročito izvršavanja zakona i drugih propisa, preduzimanja mjera za koje su ovlašteni ili davanje preporuka nadležnim organima u cilju izvršavanja zakona i drugih propisa, na osnovu podataka koje sami prikupljaju kada su za to ovlašteni zakonom, kao i podataka koje prikupljaju, obrađuju i dostavljaju drugi organi i pravna lica, na zahtjev organa uprave i na osnovu tih podataka izrađuju analitičke, informativne i druge materijale;
- unutrašnjeg razvoja Ministarstva u pogledu ljudskih potencijala, opće i materijalno-finansijske poslove, odnose sa partnerskim i drugim ključnim institucijama, uključujući komunikaciju, koordinaciju i druge slične poslove.“

Član 2.

(Vremenski rokovi za dostavljanje izvještaja o provođenju godišnjeg plana)

U članu 8. stavovi 2. i 3. Pravilnika mijenjaju se i glase:

„(2) Sastanak koordinacije sekretara Ministarstva i rukovodećih državnih službenika Ministarstva se saziva do kraja prve sedmice narednog mjeseca, kako bi se razmotrio zbirni izvještaj Ministarstva za prethodni mjesec, a sastanak Stručnog kolegija Ministarstva se saziva do kraja prve sedmice narednog tromjesečja, kako bi se razmotrio zbirni izvještaj Ministarstva za prethodno tromjesečje.

(3) Usvojeni zbirni izvještaj Ministarstva za prethodni mjesec, odnosno zbirni izvještaj Ministarstva za prethodno tromjesečje dostavlja se ministru, zamjeniku ministra i svim rukovodećim državnim službenicima Ministarstva isti dan po usvajanju.“

Član 3.

(Stupanje na snagu)

Pravilnik o izmjenama i dopunama Pravilnika za izradu godišnjeg programa rada, godišnjih planova rada i mjesečnih izvještaja o radu u Ministarstvu pravde BiH stupa na snagu danom donošenja.

Broj: 01-02-_____/08.

Sarajevo, 20.10.2009. godine

MINISTAR

Bariša Čolak